

## Il pign vierm senza num

Ei era inaga in pign vierm che viveva ensemen cun massa auters viarms en ina scaffa cuschina enamiez massa victualias (maglias). In bi di ei il vierm semess sin viadi per visitar siu amitg Benno. Ei fuva dad ir in detg toc a pei damai che Benno habitava gest en in auter cantun dalla scaffa cuschina. „Senzanum“ aschia senumnava il vierm ch'ei semess sin viadi. El passa sper miulas da tschugalata, da cornflakes, sper puorla da pudding da vanilla vi ed entaupa sia amitga da scola Anita.

„Hallo Anita“ di „Senzanum“. Gia daditg essan nus buca sevesi. Co va ei cun tei? „Cun mei va ei bein“, mo di a mi nua eis ti da viadi“?

„Jeu vi ir en l'auter cantun dalla scaffa per visitar miu amitg Benno. Jeu stoi uss propi ir schiglioc vegn ei memia tard per mei, tschüss Anita“.

„Tschüss“ cloma Anita, „ mo - co ei schon tiu num?“, cloma ella suenter.

„Senzanum“, miu num ei „Senzanum“.

„Senzanum? quei ei gie gnanc in num“ di Anita e va tut a lahergnond vinavon.

Il vierm studegia suenter. Pertgei ha l'Anita ris aschi tup cu el ha detg siu num? El sa propi buca daco e vul buca schar lavagar il di pervia da quei. Na, el va plein curascha vinavon.

Ei ha cuzzau in detg mument, mo finalmein ha el contonschiu ils cornflakes nua che Benno ei da-casa. El stgalina ed in pign viermet arva igl esch-casa.

„Bien di“ di Senzanum, „jeu sun „Senzanum“ e visitass bugen Benno, miu amitg.

Ha, ha, ha, ri il pign viermet. „Senzanum“. Sa tgei num quei duess esser?“ Ed el schloppa bunamein dil rir. El lai entrar Senzanum e di ad el che Benno habiteschi ell'emprema alzada dils cornflakes.

Cheu vegn Senzanum fetg trests perquei che tuts han ris sur da siu num. El entscheiva a bargir exact en quei mument che Benno arva igl esch. Cu Benno vesa las larmas da siu amitg sto quel raquintar ad el l'entira historia. Benno ha cumpassiun cun siu amitg e studegia

sunter co el savess gidar el. „Jeu sai“, di el. „Nus encurin semplamein in niev num per tei“. Buca lunsch naven dad els sesanfla in scarnuz cun en bustabs per metter ella suppa. „Segir savein nus zambergiar in num per tei cun quels bustabs“. Ils dus viarms semettan sin via. Els passan sper il zucher e la frina vi ed era ils cungiments che fredan aschi bein laian els anavos. Ussa ein els sper il scarnuz da bustabs. Cheu ei il detg disuorden. Ils bustabs ein curdai ord il scarnuz e schaian per l'entira cruna entuorn. Per part ein els ruts mo denteren eisi aunc da quels ch'ei entirs e schubers. Benno e Senzanum prendan quels e mettan els in sper l'auter.

HESTPNA

„Tgei duess jeu senumnar HESTPNA? Quei ei in summa buca in cool num“, di Senzanum. „Lu ei Senzanum 10 gadas pli bi“.

„Ti has raschun. Quei ei veramein buca in bi num“, di Benno, „nus empruein da metter ensemen auters bustabs“.

PESTHAN

Na, Pesthan vi jeu era buca haver num“ di Senzanum. Puspei mischeidan els ils bustabs tochen ch'ei han in niev num.

STEPHAN

„Super, quei ei in bellezza num“, cloman omisdus sco ord ina bucca. „Dad oz naven has ti num Stephan“, di Benno.

Gie Senzanum, ah na Stephan ei ussa ventireivels cun siu num. Ussa ha el in super bi num. Els dus van ussa per l'entira scaffa cuschina entuorn e dattan vinavon quella buna novitad. Negin vegn ussa pli sin l'idea da rir ora il vierm.